

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i članova 52. stav (4) i 60. stav (2) Zakona o izvršavanju Budžeta Zeničko-dobojskog kantona za 2025.godinu („Službene novine Zeničko-dobojskog kantona”, broj: 25/24, 6/25 i 12/25), na prijedlog Ministarstva zdravstva, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji „Transfer drugim nivoima vlasti“ - „Tekući transfer za nabavku vakcina“ - Izvor 10 Budžeta Zeničko-dobojskog kantona za 2025. godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji „Transfer drugim nivoima vlasti“-„Tekući transfer za nabavku vakcina“ - Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 3/25), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7163/26

Datum, 10.04.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TRANSFER DRUGIM NIVOIMA VLASTI“-„TEKUĆI TRANSFER ZA
NABAVKU VAKCINA“- IZVOR 10 BUDŽETA ZENIČKO-DOBOJSKOG KANTONA
ZA 2025. GODINU**

I UVOD

Članom 13. tačka 9) i 10) Zakona o zdravstvenoj zaštiti (“Sl. novine FBiH”, broj: 46/10 i 75/13) propisano je da društvena briga za zdravlje na nivou Kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevencija bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

U skladu sa članom 39. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX001 „Tekući transfer za nabavku vakcina“ planirana su sredstva u iznosu 120.000,00 KM.

Vlada Zeničko-dobojskog kantona Odlukom broj: 02-11-2772/25 od 14.02.2025. godine usvojila je Program utroška sredstava Ministarstva zdravstva na poziciji „Transfer drugim nivoima vlasti“-„Tekući transfer za nabavku vakcina“- Izvor 10 Budžeta Zeničko-dobojskog kantona za 2025. godinu iznosu 120.000,00 KM.

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

JU Institut za zdravlje i sigurnost hrane Zenica je dopisom broj: 02-143/25 od 10.01.2025. godine Ministarstvu zdravstva dostavila plan nabavke vakcina po količinama i vrstama sa iskazanom procijenjenom vrijednosti, u skladu sa trenutnom epidemiološkom situacijom u Zeničko-dobojskom kantonu i to:

1. Nabavka vakcina protiv bjesnila - 100 doza VERORAB (10.500,00 KM) i
2. Nabavka vakcina protiv sezonske gripe – 4835 doza VAXIGRIP (109.500,00 KM).

Vlada Zeničko-dobojskog kantona donijela je Odluku o usvajanju Programa utroška sredstava u Ministarstvo zdravstva na poziciji „Tekući transferi drugim nivoima vlasti“-„Tekući transfer za nabavku vakcina” Budžeta Zeničko-dobojskog kantona za 2025. godinu u ukupnom godišnjem iznosu od 120.000,00 KM broj: 02-11-2772/25 od 14.02.2025. godine („Sl. Novine Zeničko-dobojskog kantona“, broj: 3/25).

Dopisom broj: 02-2930/25 od 11.07.2025. godine JU Institut za zdravlje i sigurnost hrane Zenica informisala je Ministarstvo zdravstva da će se zbog promijena cijena na tržištu, a u skladu sa epidemiološkom situacijom u Zeničko-dobojskom kantonu nabaviti 4690 doza vakcina protiv sezonske gripe u ukupnoj procijenjenoj vrijednosti 109.416,76 KM te 100 doza vakcina protiv bjesnila u ukupnoj procijenjenoj vrijednosti 10.530,00 KM.

Dopisom broj: 02-4163/25 od 03.11.2025. godine JU Institut za zdravlje i sigurnost hrane Zenica informisala je Ministarstvo zdravstva da su provedeni postupci za nabavku vakcina protiv virusa gripe za sezonu 2025/2026 i nabavku inaktivisane purifikovane vakcine protiv bjesnila pripremljene na veročelijama s tim da je poništen postupak javne nabavke za nabavku vakcina protiv bjesnila iz razloga što nije dostavljena nijedna ponuda.

U skladu s navedenim, Vlada Kantona donijela je Odluku o odobravanju sredstava JU Instituit za zdravlje i sigurnost hrane Zenica za nabavku vakcina protiv sezonske gripe broj: 02-11-20521/25 od 14.11.2025. godine u iznosu 109.416,76 KM.

Transferisanje sredstava JU Institut za zdravlje i sigurnost hrane Zenica izvršeno je po okončanju procedure javne nabavke, u skladu sa zaključenim ugovorom o nabavci, fakturama dobavljača i u skladu sa odlukom Vlade Zeničko-dobojskog kantona o odobravanju sredstava.

Ukupni troškovi po osnovu ovog transfera iznose 109.416,76 KM a odnose se na realizaciju Okvirnog sporazuma za nabavku vakcina protiv bjesnila i vakcina protiv virusa gripe (LOT 1. Nabavka vakcine protiv virusa gripe za sezonu 2025/2026) broj: 02-3250/25 od 11.08.2025. godine, zaključenog sa „Pharma-Mac“ d.o.o. Sarajevo. Dobavljač „Paharma-Mac“ d.o.o. Sarajevo dostavio je JU Institut za zdravlje i sigurnost hrane Zenica račun/otpremnicu broj: PF25-021338 od 31.10.2025. godine za 4690 doza Vaxigrip tetra 1x 0,5 ml ukupne vrijednosti 109.416,76 KM, sa rokom dospijeca 30 dana.

Sredstva su transferisana JU Institut za zdravlje i sigurnost hrane Zenica 27.11.2025. godine.

JU Institut za zdravlje i sigurnost hrane Zenica je dopisom broj: 02-75/26 od 09.01.2026. godine izvijestila da je od ukupno 4690 doza vakcina protiv sezonske gripe cijepljeno 3465 osoba starijih od 65 godina i 569 hroničnih bolesnika sa područja Zeničko-dobojskog kantona, što ukupno iznosi 4034 cijepljenih, a da je broj preostalih doza 656. Uz cijepljenje stanovništva izvršeno je i cijepljenje zdravstvenih radnika i pomoćnog osoblja sa ukupno 564 doze.

Pored navedenog, epidemiološka ambulanta Instituta je u 2025. godini aplicirala 185 doza vakcina protiv bjesnila obzirom da je iz prethodne godine na stanju ostalo 380 doza ove vakcine.

Ukupni troškovi po osnovu Tekućeg transfera za nabavku vakcina iznose **109.416,76 KM**, što je 91,18% sredstava planiranih Budžetom Zeničko-dobojskog kantona za 2025. godinu.

Prilog:

1. Izvještaj Instituta za zdravlje i sigurnost hrane Zenica o utrošku sredstava Ministarstva zdravstva na poziciji „Tekući transfer za nabavku vakcina“ broj: 02-75/26 od 09.01.2026. godine.

Zenica, mart 2026. godine

MINISTRICA

dr Aida Salčinović